

四庫全書

史部

欽定四庫全書

史部

元和郡縣志卷三十三

詳校官編修_臣曹 斌

檢討_臣德 生 覆 勘

總校官庶吉士_臣倉 聖 脉

校對官中書_臣潘 奕 雋

謄錄監生_臣湯 汝 梅

欽定四庫全書

元和郡縣志卷三十二

唐 李吉甫 撰

劍南道

成都府

益州大都督府

開元戶十五萬七千四百六
元和戶四萬六千一百

鄉二百五十
鄉二百四十二

今為西川節度使理所

管益州彭州蜀州漢州
州簡州資州嘉州戎州雅

州眉州松州茂州翼州維州當州悉州靜州柘州
恭州真州黎州嵩州姚州協州曲州 管縣一百

一十二

案都管戶數傳寫缺

禹貢梁州之域古蜀國也歷夏商周武王時庸蜀羌髳
微盧彭濮皆助伐商及周衰蜀僭號王秦惠王王元年
蜀人來朝八年因五丁伐蜀滅之封公子通為蜀侯于
成都置蜀郡以張若為守因蜀山以為郡名也始皇三
十六郡蜀郡不改其理本在青衣江今嘉州龍遊縣界
漢高帝王蜀分蜀置廣漢郡初有漢中廣漢巴蜀四郡
武帝遣唐蒙通西南夷又置牂柯越嶲犍為益四郡因

分雍州之南置益州焉後公孫述據成都改益州為司
隸蜀郡為成都郡吳漢討述平之州郡復舊靈帝末劉
焉為益州牧初理綿竹後遇天灾焚燒城闕府庫蕩盡
遂徙理成都焉子璋繼立後以州降先主獨益州置牧
蜀郡置守魏景元四年鍾會鄧艾平蜀晉武帝改蜀郡
為成都國以皇子穎為王惠帝時李雄竊據桓溫討平
之簡文帝時符堅遣將鄧羌楊安伐蜀益州並沒于秦
孝武太元八年平蜀安帝時譙縱又據益州叛朱齡石

討平之至梁武陵王蕭紀竊號于蜀其兄湘東王繹討之斬于白帝西魏廢帝二年地並入于魏益州置總管至周并省郡與州同理成都隋開皇三年置西南道行臺大業三年罷州為蜀郡武德元年改為益州總管府三年置西行臺龍朔三年復為大都督府開元二十一年又于邊郡置節度使以武遏四夷成都為劍南節度理都管兵三萬九百人馬二千匹凡西抗吐蕃南撫蠻

衣賜八十萬匹段軍糧七萬石

西抗吐蕃南撫蠻

操統團結營

蜀郡城內營兵一萬四千八百匹

臨翼郡

通化郡北百四十里

管兵五百人
臨翼今翼州
維川郡
通化郡西二百七十里
管兵五百人
維川今維州
天寶車

平戎城東八十里在維川郡東開元
二十年章仇兼瓊置管兵一千人
蓬山郡
維川郡北
管兵五百

人蓬山
今柘州
交川郡
臨翼郡北百里管兵二千八百人
交州今松州
平戎城
恭化郡南八十

里開元二十八年章仇兼瓊置管兵
千人去蜀郡八百里恭化今恭州
廬山郡
臨卽郡西二百里管

兵四百人
廬山今雅州
江源郡
貞觀二十一年裴行方置
管兵五百人
江源今當州
洪源郡

開元三年陸象先置管
兵千人
洪源今黎州
昆明軍
越嵩郡南開元中移置
管兵五千二百人
馬二

百
寧遠軍
越嵩郡西昆明縣南開
元中置管兵五百人
雲南軍
管兵二千三百人
雲南今

姚
澄川寨
雲南郡東六百
里管兵二千
南溪縣
瀘川郡西二百五十
里管兵二千
人南溪

今戎州瀘歸誠郡靜川郡東南管兵四百人天寶元年
川今瀘州歸誠今悉州靜川今靜州

改蜀郡大都督府十五年玄宗幸蜀改為成都府

州境

東西二百九里
南北三百八十八里

八到

東北至上都二千一十里
東北至東都二千八百七十里

正東微南至簡州一百五十里
南至眉州二百里

正南微西至陵州二百里
正西微南至蜀州一百五十里

西南至邛州二百六十里
西北至彭州一百里

北至漢州一百里

貢賦

開元貢
元和貢

羅八疋
布八疋

高紵裋布
綾羅

絲布

管縣十

成都 華陽 靈池 犀浦 廣都 郫

溫江 新繁 雙流 新都

成都縣

次赤郭下

本南夷蜀侯之所理也秦惠王遣張儀司馬錯定蜀因築城而郫縣之自秦漢至國初以來前後移徙十餘度所理不離郫郭

欽定四庫全書

元和郡縣志

四

武擔山在縣北百二十步

大江一名汶江一名流江經縣南七里蜀守李冰穿二江成都中皆可行舟漑田萬頃蜀人又謂流江為懸窄橋水此水濯錦鮮于他水

州城秦惠王二十七年張儀所築初儀築城屢頽不立忽有大龜周行旋走巫言依龜行處築之遂得堅立城西南樓百有餘尺名張儀樓臨山瞰江蜀中近望之佳處也

南外城中有文翁學堂一名周公禮殿華陽國志云文翁立學精舍講堂作石室一曰玉室李膺記云後漢中平中火延學觀廂廊一時蕩盡惟此堂火焰不及搆制雖古而巧異特奇壁上悉圖古之聖賢梁上則刻文宣及七十弟子齊永明中劉填更圖焉朱齡石平譙縱勒宋武帝檄文于石壁之室代王更以丹青增飾古畫仍加豆盧辨蘇綽之像

少城一曰小城在縣西南一里二百步蜀都賦云亞以

少城接乎其西

錦城在縣南十里故錦官城也

摩訶池在州中城內

萬里橋架大江水在縣南八里蜀使費禕聘吳諸葛亮祖之禕嘆曰萬里之路始于此橋因以為名

西南兩江共七橋李冰所造言上應七星漢世祖遣吳

漢伐蜀

案世祖原本避諱作代祖今更正

謂之曰安軍宜在七星橋間

昇仙橋在縣北九里相如初入長安題其門不乘高車

駟馬不過汝下

江瀆祠在縣南八里

盤石城在縣東三十里

先主廟在縣南二十里

鄧艾廟在縣西二里

華陽縣 次赤管縣東界郭下

本漢廣都縣地貞觀十七年分蜀縣置乾元元年改為
華陽縣華陽本蜀國之號因以為名

宋興山在縣北三十里

笮江水在縣南六里

靈池縣

次畿西至府六十里

久視元年長史李通廣奏分蜀縣廣都置東陽縣天寶元年為靈池縣因縣南靈池為名

武侯山在縣東南十里

分棟山在縣東十五里其山北連秦隴南入資瀘其于

東川郡此為隔門也

溪江在縣北四十里

犀浦縣

次畿東至府二十七里

本成都縣之界垂拱二年分置犀浦縣昔蜀守李冰道五石犀沈之于水以厭怪因取其事為名

都江水在縣北四里

黃花水在縣南八里

廣都縣

次畿北至府四十二里

本漢舊縣元朔二年置蜀號三都者成都新都廣都也

先主以蔣琬為廣都長諸葛亮曰琬託志忠雅當贊王業非百里之才即此也隋仁壽二年避煬帝諱改為雙流縣今廣都縣龍朔三年長史喬師望重奏置

大塔山在縣東四十里有阿育王塔因名

牛飲水在縣西三里

諸葛亮宅在縣南一十九里

郫縣

次畿東至府五十里

本郫邑蜀望帝理汶山下邑曰郫是也秦滅蜀因而縣

之不改

平樂山在縣西二十里

郫江一名成都江經縣北去縣三十一里

故郫城在縣北五十步晉惠帝大安二年李雄殺汶山太守陳君遂竊據郫城自稱大都督益州牧刺史羅尚數攻之後尚為雄所敗委城夜遁雄遂克城都自郫遷據焉

溫江縣

次畿東至府七十五里

本漢郫縣地也後魏于此置溫江縣屬蜀郡隋開皇三年廢入郫縣仁壽三年于郫東境萬春縣縣貞觀元年改名為溫江縣

大江俗謂之溫江南流經縣一里出麤金

皂江在縣西十里

新繁縣

次畿東南至府六十里

本漢繁縣地屬蜀郡因繁江以為名也周改為新繁隋開皇三年省武德三年分廣都縣地重置因周舊名也

郫江一名成都江經縣西去縣十一里

雙流縣

次畿北至府四十里

本漢廣都縣也隋仁壽元年避煬帝諱改為雙流因以縣在二江之間仍取蜀都賦云帶二江之雙流為名也皇朝因之龍朔三年又別立廣都縣

宜城山在城南十二里出紫草

諸葛亮舊居在縣東北八十八里今謂之葛陌孔明表云薄田十頃桑八本株即此地也

新都縣 次畿南至府四十八里

本漢舊縣也屬廣漢郡隋開皇十八年改為興樂縣武德二年分成都縣地重置

麗元山在縣北八里

新婦峴在縣北七里

諸葛八陣在縣北十九里

彭州 濛陽緊

開元戶五萬一百二十七
元和戶九千八百八十七

鄉一百一十八

禹貢梁州之地漢分梁州為益州即漢益州繁縣地也
垂拱二年于此置彭州以岷山導江江出山處兩山相
對古謂之天彭門因取以名州

州境

東西一百七十六里
南北七十一里

八到

東北至上都一千九百八十五里
東北至東都二千八百四十五里

東至漢州七十五里

東南至成都府一百里

西南至蜀州一百二十里

西北取灌口路至茂州三百七十里

貢賦

開元貢 交梭羅

管縣四

九隴 導江 唐昌 濛陽

九隴縣

望郭下西至州二里

本漢繁縣地舊曰小郾言土地肥良比之郾縣也梁于此置東益州後周改為九隴郡取九隴山為名也隋開皇三年罷郡為九隴縣屬益州皇朝因之後改屬彭州白鹿山在縣西北六十一里

九隴山在縣西二十五里連峯迤邐凡有九曲

導江縣

望東至州五十八里

本漢郫縣地武德元年于灌口置盤龍縣尋改為灌寧縣二年又改為導江縣取禹貢岷山導江之義也屬成都垂拱二年割屬彭州

玉壘山在縣西北二十九里蜀都賦由玉壘而為守

灌口山在縣西北二十六里漢蜀文翁穿渝江溉灌故以灌口名山又灌口山西嶺有天彭闕亦曰天彭門兩石相立如闕故名之蜀後主以建興十四年至渝江登

觀坂看汶江之流初白馬氏侵掠益州刺史皇甫晏表
討之軍至都江屯觀坂蜀郡何旋進諫曰今所安營地
名觀坂自上觀下反上之象漢高悟柏人岑彭忌岑亡
不可不察晏不納其後果敗

盤龍山在縣北二十里

大江西自茂州界流入按孫卿子曰江出汶山其源可
以濫觴及至江津下方舟避風不可涉也

鑿崖谷在縣西北四十七里其處江山險絕鑿崖通道

有如蠶食因以為名漢于此置縣後廢

灌口鎮在縣西二十六里後魏置自觀坂迄于頃山五
百里間兩崖壁立如峯瀑布飛流十里而九昔人以為
井陘之厄

犍尾堰在縣西南二十五里李冰作之以防江決破竹
為籠圓徑三尺長十丈以石實中累而壅水漢成帝時
鉅子河決王延塞之用此法也漢書所謂下淇園之竹
以為犍

望帝祠在灌口鎮城內

李冰祠在縣西三十三里

司馬相如墓在縣東十二里

唐昌縣

望東至州三十里

本郫縣導江九隴三縣之地儀鳳二年于此分置唐昌縣

江水在縣西北四里

白水在縣北三里

昌化山在縣北九里

九隴山在縣北十三里

嚴君平墓在縣西南十里

濛陽縣

縣北至州四十里

本九龍雒新都新繁什邛五縣之地儀鳳二年于此分置濛陽縣在濛江之水北因曰濛陽

彌濛水在縣南五十步

羅江水在縣北十里

蜀州

唐安縣

開元戶五萬二十六

鄉八十八

元和戶一萬四千五百八

鄉八十八

禹貢梁州之域秦滅蜀為蜀郡在漢為郡之江原縣也
李雄據蜀分為漢原郡晉穆帝改為晉原郡後魏平蜀
後移犍為郡理此東三十里因省晉原郡以併之仍于
此西十里立多融縣取舊郡名也隋開皇年改屬益州
皇朝初因之垂拱二年割晉原等四縣屬蜀州

州境

案州境里
數傳寫缺

八到

東北至上都二千一百一十五里
東北至東都二千九百一十五里

東至成都府一百五十里

東南至眉州一百七十里

東北至彭州一百二十里

西南至邛州八十三里

貢賦

開元貢

單絲羅

木蘭皮

沙糖

管縣四

晉原 青城 新津 唐興

晉原縣

望郭下

本漢江原縣屬蜀郡李雄時改為漢原晉為晉原周立

多融縣又改為晉原屬益州後因之

鶴鳴山在縣西七十九里絕壁千尋張道陵天師得道于此

多融山在縣西南

斜江水出鶴鳴山經縣西四十里

青城縣

望南至州四十一里

本漢江原縣地周武帝于此置青城縣因山為名屬健為郡隋開皇三年罷郡縣屬益州垂拱二年改屬蜀州

開元十八年改為青城

青城山在縣西北三十二里仙經云此是第五洞天上
有流泉懸澍一日三時灑落謂之潮泉

大江經縣北去縣二里

弩機水如弩箭水流甚急故名之縣東南四十里

新津縣

望西北至州八十里

本漢犍為郡武陽縣地故城東七里入東有新津渡謂
之新津市周閔帝元年于此立新津縣垂拱二年割入

蜀州

大社山在縣南三里在城郭南百里北枕大江南接連
嶺每益土有難人多依焉

唐興縣

望西北至州四十里

本漢江原縣地後魏于此立犍為郡隋開皇三年罷郡
又徙犍道縣于此大業二年廢入新津縣武德元年于
廢州置唐隆縣屬益州垂拱二年割入蜀州先天元年
以犯諱改為唐安至德二年改為唐興縣

鄴江一名皂江經縣東二里出焚金

汶井江在縣西二十里

漢州 德陽上

開元戶四萬二千五百
元和戶二千一百一十三 鄉一百六

禹貢梁州之域秦為蜀郡地漢分蜀郡為廣漢郡今州
即廣漢郡之雒縣也隋開皇三年罷郡縣屬益州皇朝
初因之至垂拱二年于雒縣分置漢州

州境

東西六十八里
南北一百九十九里

八到

東北至上都一千九百一十里
東北至東都二千九百七十里

東至梓州二百二十里

東北至絳州一百八十里

南至成都府一百里

正西微南至彭州七十五里

貢賦

開元貢布二十疋
元和貢彌子布

紵布 交梭羅

管縣五

雒

緜竹

德陽

什邡

金堂

雒縣

望郭下

本漢舊縣也屬廣漢郡縣南有雒水因以為名隋開皇

三年屬益州垂拱二年割屬漢州

雒水在縣東一里

馬蹄水在縣南二里

縣水在縣東三十里

君平卜臺在縣東一里

鷹橋在縣南二里

縣竹縣

緊南至州九十里

本漢舊縣也屬廣漢郡都尉理之有紫岵山縣水所出

初劉焉為益州牧從事賈龍選吏卒迎焉徙理縣竹撫
納離叛陰圖異計其後遇天火燒焚乃徙理成都隋開
皇十八年改名孝水縣境有孝子姜詩泉故取為名大
業三年復為縣竹屬蜀郡武德中屬益州垂拱二年割
入漢州

紫岳山在縣西北三十里

鹿堂山在縣西二十二里

縣水出縣西北紫岳山蜀都賦浸以縣洛謂此水也蜀

人稱卹繁曰膏腴縣洛為浸沃

縣竹故城在縣東五十里諸葛瞻于此戰敗

德陽縣

緊西南至州四十五里

本漢縣竹縣地後漢分縣竹縣立德陽屬廣漢郡周閔
帝元年郡縣並廢武德三年復置屬益州垂拱二年割
屬漢州

鄧艾平蜀京觀在縣北三十三里艾以景元四年征蜀
大破諸葛瞻于縣竹築臺以為京觀初瞻在涪而艾已

入江油瞻曰吾內不除黃皓外不制姜維進不守江油
吾有三罪何面目而反進屯綿竹埋人腳而戰父子死
焉

秦宓宅其地曰三造亭在縣北五里初太守夏侯纂三
造其門故以為名

姜詩泉在縣北三十九里詩母好江水一旦泉涌舍側
味如江水

鹿頭戍在縣北三十八里

什邡縣

望南至州四十里

本漢舊縣屬廣漢郡高祖封雍齒為什邡侯應劭曰什音十故曰什邡俗名雍齒城周閔帝改為方亭縣武帝省武德三年復置垂拱二年割入漢州

洛通山在縣西三十九里李冰導洛通山謂此也

雍齒城在縣南四十里

金堂縣

上北至州五十三里

本漢牛鞞縣地屬犍為郡咸通二年蜀郡長史李崇義

析隄縣新都及簡州金水三縣置以縣界連金堂山故
以為名舊屬益州垂拱二年割屬漢州

昌利山在縣東北十里

望蜀山在縣東南二里

中江水在縣東北一里

毗江水在縣西二里

邛州 臨邛上

開元戶一萬三千五十二
元和戶二萬五千一百七十六

鄉六十二
鄉六十五

禹貢梁州之域秦為蜀郡地今州即蜀郡之臨邛縣地也宋及齊梁不置郡縣惟豪家能服獠者名為保主總屬益州梁益州刺史蕭範于蒲水口立柵為城以備生獠名為蒲口頓武陵王蕭紀于蒲口頓改置邛州南接雅州武德元年割雅州依政等五縣置邛州

州境

東西二百八里
南北一百一十里

八到

東北至上都二千一百七十里
東北至東都二千三百里

東南至眉州一百七十里
東北至蜀州八十里

西至羌夷一百三十里
西南至雅州一百七十里

貢賦

開元貢

絲布

管縣七

臨邛 大邑 安仁 依政 臨溪 火井

蒲江

臨邛縣

緊郭下

本漢縣也屬蜀郡晉末李雄亂後為獠所侵後魏廢帝二年定蜀復于舊城置臨邛縣仍置臨邛郡隋開皇三

年罷郡以縣屬邛州大業二年屬雅州武德復屬邛州
銅官山在縣南二里鄧通所封後卓王孫賈為陶鑄之
所

白木水經縣南二里

火井廣五尺深三丈在臨邛縣南一百里以家火投之
有聲如雷以竹筒盛之持行終日不滅蜀都賦云火井
沈熒于幽泉

卓王孫宅在縣南五里

大邑縣

上東南至州四十九里

本漢江原縣地咸通二年割晉原縣之西界置

鶴鳴山在縣西北三十七里

七里池在縣西七里

安仁縣

緊西南至州二十八里

本秦臨邛縣地武德二年割臨邛依政唐興等縣置貞

觀十七年廢咸通元年依舊置

斜江水經縣南五里

依政縣

上西至州五十七里

本秦臨邛縣地後魏于此置依政縣屬蒲陽郡隋開皇三年罷郡以縣屬邛州大業屬雅州武德復屬邛州

噫棘山在縣南四十里山南眉州丹陵縣界

白木水東南經縣南十里

州城西漢末公孫述為尊江卒正理臨邛謂此城也

臨溪縣

中下東至州六十二里

本秦臨邛縣地後魏恭帝于此置臨溪縣屬蒲原郡隋

開皇三年罷郡縣屬邛州後因之縣城三面據險北面平坦

孤石山在縣東十九里有鐵礦大如蒜子燒合之成流支鐵甚剛因置鐵官

火井縣

中下東北至州六十里

本秦臨邛縣地後魏于此置縣屬雅州武德元年割依政等五縣置邛州縣屬焉縣有鹽井

蒲江縣

中下西北至州六十三里

本秦臨邛縣地後魏恭帝置廣定縣隋仁壽元年改廣定為蒲江縣南枕江水因以為名後因之

車應山在縣南八十里

蒲江水經縣南二百步

鹽井距縣二十里

簡州 陽安下

開元戶二萬二百二十三
元和戶二千五百二十二

鄉三十九
鄉四十

禹貢梁州之域秦為蜀郡地漢武帝分置犍為郡今州

即犍為郡之牛鞞縣也李雄據蜀夷獠內侵因茲荒廢
南齊于此置牛鞞戍隋仁壽三年于此置簡州因境有
賴簡池為名大業二年省武德三年復置

州境

東西二百一十三里
南北一百八十八里

八到

東北至上都二千一百七十里
東北至東都二千九百里

正東微南至普州二百四十里
東南至資州三百二十里

東北至梓州三百一十里
正西至陵州一百八十里

正西微北至成都府一百五十里

貢賦

開元貢

紬一十五疋

管縣三

陽安 金水 平泉

陽安縣

上郭下

本漢牛鞞縣也後魏恭帝二年于此置陽安縣屬武康郡
隋開皇三年罷郡縣屬益州武德三年置簡州縣又來屬
分棟山在縣西七十七里

中江水即牛鞞水也昔羅尚乘牛鞞水凍征李雄即此

水也

賴簡池在縣東九十六里

陽明鹽井在縣北十四里又有牛鞞等四井公私仰給

金水縣

上南至州一百五十里

本漢廣漢郡之新都縣地也縣有金堂山水通于巴漢
東晉義熙末刺史朱齡石征蜀于東山立金泉戍後魏
平蜀置金泉縣隸金泉郡隋開皇三年罷郡以縣屬益
州武德元年以避神堯諱改為金水縣屬簡州

金堂山在縣北二十四里

銅官山在縣北四十九里

大渡津在縣北三十里

平泉縣

中北至州四十八里

本漢牛鞞及符縣地後為夷獠所居後魏恭帝二年于此置婆閏縣屬益州十八年改為平泉縣以縣內有泉源出于平地故以為名隋仁壽三年置簡州以縣屬焉
皇朝因之

大塔山在縣西北六十三里與分棟山連屬南入陵州界

赤水經縣南七十步

上軍井下軍井並鹽井也在縣北二十里公私資以取給
婆閨故縣在縣南四十六里

資州 資陽縣

開元戶一萬八千五百二十二 鄉五十三
元和戶一千四百九十九 鄉五十五

禹貢梁州之域秦併蜀為蜀郡在漢即犍為郡資中縣

地也李雄之亂夷獠居之後魏廢帝二年析武康郡之陽安縣置資州取資水為名也隋大業三年改為資陽郡武德元年復為資州

州境

東西三百四十八里
南北一百三十三里

八到

東北至上都取遂州路二千三百三十里
東北至東都三千二百九十里

東至合州五百六十五里

正西至昌州二百六十里

西南至榮州二百六十里

西北至簡州三百二十里

正北微東至普州一百七十里

貢賦

開元貢賦

黠金

甘子

綿絹

布

麻

管縣八

盤石

資陽

內江

丹山

銀山

龍水

清溪

月山

盤石縣

上郭下

本漢資中縣地後為夷獠所居周武帝于漢資中故城置

盤石縣屬資中郡隋開皇三年罷郡屬資州皇朝因之

牛鞞水合內江水南去縣二十步多魚鼈亦出黠金

資陽縣

上東南至州一百二十里

本漢資中縣也屬犍為郡李雄亂蜀縣荒廢後魏廢帝二年始通巴蜀開拓資中周明帝于資中縣置資陽縣因資水為名屬資陽郡隋開皇三年罷郡縣屬資州牛鞞水東去縣二十一里

王褒墓在縣西北十五里褒資中人也宣帝使祠金馬碧雞道病死

內江縣

中西北至州九十八里

本漢資中縣地後漢分置漢安縣李雄之後陷于夷獠
周武帝天和二年于中江水濱置漢安戍其年改為中
江縣屬資中郡隋文帝避廟諱改為內江縣屬資州皇
朝因之

鹽井二十六所在管下

丹山縣 中南至州二百三十里

本漢資中縣地貞觀四年于此置丹山縣取界內崇丹
山為名也

銀山縣

中西北至州四十八里

本漢資中縣地隋為內江縣地義寧二年分置銀山縣

因縣界銀山為名

鹽井一十一所在管下

龍水縣

中東至州一百二十里

本漢資中縣地義寧二年招慰夷獠于此分置龍水縣

以縣西北有溪屈曲繞城如龍因以為名

清溪縣

中下西南至州一百三十里

本漢資中縣地自晉訖梁夷獠所居隋大業十二年于
此置牛鞞縣因牛鞞水為名也皇朝初因之大寶元年
改為清溪縣

月山縣

中下東至州五十里

本漢資中縣地隋義寧二年分置月山縣

內江水在縣南一里

嘉州 隄為中

開元戶二萬二千九百一十二
元和戶一千九百七十五

鄉五十三
鄉六十五

禹貢梁州之域秦為蜀郡今州即漢犍為郡之南安縣地也後夷獠所侵梁武陵王蕭紀開通外徼立青州遙取漢青衣縣以為名也周宣帝二年改為嘉州境接近漢之漢嘉舊縣因名焉隋大業二年併嘉州入眉州八年改為眉山郡武德二年改為嘉州割通義洪雅等四縣別置眉州

州境

案州境里數傳寫缺

八到

東北至上都二千三百五十里
東北至東都三千二百一十里

東至榮州二百一十里
東南至戎州陸路三百二十里

正西微北至雅州三百二十里
北至眉州一百四十里

正北微東至陵州一百九十里

貢賦

開元貢賦

麩金
小布

麻

絹

絲

管縣八

龍遊 夾江 綏山 羅目 峨眉 玉津

平羌 犍為

龍遊縣

緊郭下

本漢南安縣地周武帝保定元年于此立平羌縣隋開
皇三年改為峨眉山九年入于峨眉山下別置峨眉縣
改州理平羌縣為青衣縣取青衣水為名也十三年改
為龍遊以隋將伐陳理舟艦于此有龍見江水引軍而
前故名縣皇朝因之

青衣水經縣南去縣三里

蘇稽戍在縣南南三十里

夾江縣 上東南至州七十五里

本漢南安縣地隋開皇十三年割平羌龍遊二縣地于
夾江廢戍置夾江縣屬嘉州大業三年割屬蜀州武德
元年卻隸嘉州

青衣水經縣西

綏山縣

中東至州四十里

本漢南安縣地隋大業十一年招慰生獠立以為縣因
山為名屬眉山郡武德元年割屬嘉州

綏山在縣西南一百一十九里在峨眉山西南其高無

極

峨眉山在縣西南三十六里

小峨眉山在縣南六里

羅目縣

中東北至州九十五里

本漢南安縣地麟德二年招慰生獠于今縣西南一百八十三里置沐州及羅目縣前上元三年州縣俱廢儀鳳三年重置屬嘉州羅目獠中山名因以名縣峨眉山在縣西四十里

大渡水在縣北二百步

峨眉縣

上東至州七十五里

本漢南安縣地周武帝于此置平羌縣後改平羌為峨眉縣又以為青衣縣乃別立峨眉縣枕峨眉山東麓故以為名屬嘉州隋大業三年割入眉州皇朝武德又屬

嘉州

峨眉大山在縣西七里蜀都賦云抗峨眉于重阻兩山相對望之如峨眉故名此山亦有洞天石室高七十六

里

中峨眉山在縣東南二十里有古穴初纔容人行數里
漸寬有鍾乳穴穴有蝙蝠其大如筐

車剛水在縣北二十里

玉津縣

中西北至州三十九里

本漢南安縣地李雄時夷獠自柯牂入居焉蕭紀置青
州之地隋大業十一年于此置玉津縣以江有壁玉津
故以為名皇朝因之

岷江在縣城下

玉津鎮在縣城中

平羌縣

中下南至州一十八里

本漢南安縣地周武帝置平羌縣因境內平羌水為名
隋開皇四年改州理平羌縣為峨眉縣仍于今縣東六
十里別立平羌縣大業十一年夷獠侵沒移于今理

熊耳峽在縣東北三十一里

犍為縣

中下西北至州一百五十六里

本漢南安縣地周于此置沈犀郡并立武陽縣隋開皇三年廢郡以縣屬戎州又改武陽為犍為縣前上元二年割屬嘉州

大江在縣西十步

大鹿山在縣北一里

沈犀故城在縣東三里

戎州 南溪中

開元戶六千七百八十七
元和戶一千二百九十三

鄉二十五
鄉二十五

禹貢梁州之域古燹國也初秦軍破滇通五尺道至漢武帝建元六年遣唐蒙發巴蜀卒通西南夷自燹道抵牂柯鑿石開道二十餘里通西南夷置燹道縣屬犍為郡今州即燹道縣也戎獠之中最有人道故其字從人李雄竊據此地空廢梁武帝大同十年使先鐵討定夷獠乃立戎州即以鐵為刺史後遂不改

州境

東西五百六十里
南北七百一十三里

八到

東北至上都取嘉眉州水陸相兼二千七百里
東北至東都三千五百六十里

東北至瀘州水路三百一十里陸路三百四十里
西南至石門鎮三百里

西南至南詔所居羊苴咩城二千三百里
西北至嘉州水路三百五十里陸路三百二十里
北至姚州三百關十里

貢賦

開元貢
元和貢

葛布
荔枝煎

紵布
四斗

管縣五

犍道

義賓

開邊

南溪

歸順

本漢舊縣也屬犍為郡永嘉後荒廢梁于此立戎州周
保定三年改犍道為外江縣隋大業三年改為犍道縣

出荔枝一樹可收百五十斗

黃泉山在縣西北五十九里

汶江流經縣東北去縣十步

馬湖戍在縣西二十里

義賓縣

中東南至州一百六十里

本漢南安縣地屬健為郡天寶元年改為義賓屬戎州
大秋溪在縣東南一十三里有秋溪鹽井蓋因此水為
名也

開邊縣

中東北至州六十五里

本漢熒道地也周為外江縣地隋開皇六年于此縣北一百三十里野客川置開邊縣後上元元年獠賊叛亂因而荒廢永泰二年復于今理

小梨山在縣南四十七里

大梨山在縣南六十里

南廣水在縣西北一里

鹽泉鎮在縣西南八十里

南溪縣

中西至州五十里

本漢樊道縣地梁于此立南廣縣屬戎州隋仁壽二年
改為南溪縣避煬帝諱也皇朝因之

平蓋山在縣東三十里多荔枝

可廬山在縣南五十里山多叩竹

汶江經縣南去縣十步

歸順縣

中下

聖歷二年析郁鄔縣地以生獠戶置

元和郡縣志卷三十二

欽定四庫全書

元和郡縣志卷三十三

唐 李吉甫 撰

劍南道二

雅州

廬山下都督府

開元戶六千五百八十九 鄉二十二
元和戶一千四百五十三 鄉二十四

禹貢梁州之域秦滅蜀為郡即嚴道縣也李膺記曰自
晉永嘉崩離李雄竊據此地蕪廢將二十紀夷獠居之

後魏廢帝二年置蒙山郡于此隋開皇十三年置蒙山縣并鎮仁壽四年罷鎮改置雅州因州境雅安山為名大業三年以雅州為臨邛郡武德元年復為雅州兼管羈縻州十一

州境

東西五百三十九里
南北四百三十五里

八到

東北至上都二千三百四十里
東北至東都三千二百里

東南至嘉州三百二十里

東北至邛州一百七十里

西南至黎州二百四十里

西北至西山谷口和順鎮九十里

貢賦

開元貢賦

楚金落雁木
絲葛

管縣五

嚴道 百丈 名山 廬山 榮經

嚴道縣

中郭下

本秦舊縣屬蜀郡漢遷淮南王長于嚴道邛郵縣有蠻夷曰道後魏于此置始陽縣隋大業三年改始陽為嚴道縣

蒙山在縣南十里今每歲貢茶為蜀之最

長墳嶺在縣西南二十七里道至險惡

平羌水經縣北二里

多切鎮在縣西北三十二里

壠越鎮在縣西三十六里

百丈縣

中西南至州八十六里

本秦嚴道縣地貞觀八年于此置百丈縣今按鎮城東有百丈穴故以為名

隴西山在縣西北三十里

大池水經縣東去縣十五步

撫人戍在縣西南二十里

名山縣

中下西南至州四十二里

本秦嚴道縣地後魏于此置蒙山縣屬蒙山郡隋開皇十三年改為名山縣因縣西北名山為名也屬邛州仁壽四年改屬雅州

名山在縣西北十里

弱棟坂在縣東北八里長二里道至險阻

名山水在縣東二百步東南入平羌水

廬山縣

中東南至州七十里

本秦嚴道縣地隋仁壽元年于此置廬山鎮三年于此
鎮置廬山縣因山為名屬邛州後屬雅州皇朝因之
廬山在縣西北九里其山西北連延入夷獠界正北即
邛州火井縣界

浮圖水一名車盧水經縣西南五里

羅帶水經縣東五十步

靈關鎮在縣西北六十里車靈山在下山有峽口似門闊三丈長二百步關外即夷獠界

榮經縣

中下東北至州一百一十里

本秦漢嚴道縣地武德三年于此置榮經縣

邛來山在縣西五十里水名邛笮山故笮人之界也山巖峭峻山竹高節實中堪為杖因名山也

銅山在縣北三里即文帝賜鄧通鑄錢之所後以山假與卓王孫取布千疋其山今出銅鑛

九折坂在縣西八十里王陽為益州刺史經此歎息謝病去官後王遵為益州刺史至此叱馭而過

邛來水東流經縣北三里

邛來鎮在縣西南八十七里

石門戍在縣西南三十五里

眉州 通義上

開元戶四萬二千八百三十六
鄉六十五
元和戶五千八百四闕
鄉七十二

禹貢梁州之域在漢即犍為郡武陽縣之南境梁太清

二年武陵王蕭紀開通外徼于此立青州取漢青衣縣
為名也後魏二年平蜀改青州為眉州因峨眉山為名
也武德元年改眉州為嘉州二年于通義縣復置眉州

州境

案州境里
數傳寫缺

八到

東北至上都二千二百一十里
東北至東都三千七十里

東至陵州七十里

東南至嘉州二百四十里

正西微北至邛州一百七十里

西北至蜀州一百七十里

北至成都府二百里

貢賦

開元貢

麩金

獠麻布

甘子

管縣五

通義 彭山 丹陵 洪雅 青神

通義縣

紫郭下

本漢武陽縣之南境也後魏于此置通義縣屬齊通郡
隋開皇三年罷郡以縣屬眉州皇朝因之

大江一名汶江經縣東去縣三里出麩金

白戰山在縣東北二十五里西臨汶江

彭山縣

緊南至州六十六里

本漢武陽縣也秦惠王時張儀司馬錯伐蜀蜀之王開明拒戰不勝退走武陽獲之即其地也漢昭帝時犍為郡自犍道移理武陽周武帝于此置隆山郡以境內有鼎鼻山地形隆起故為名隋開皇三年罷郡以隆山屬益州貞觀元年割屬眉州先天元年以犯諱改為彭山縣

鼎鼻山亦曰打鼻山在縣南十五里宋譙縱據蜀朱齡

石伐之命臧熹外出奇兵譙縱遣將譙小苟引兵塞打
鼻以禦之即此也山形孤起東臨江水昔周鼎淪于此
水或見其鼻遂以名山

大江一名汶江亦曰導江在縣東七里

犍為故城在縣西北五里漢犍為郡也武帝建元六年
分巴蜀二郡立犍為郡

彭亡城亦曰平無城彭祖家于此而死故曰彭亡後漢
岑彭擊公孫述至武陽所營地名彭亡聞而惡之欲徙

會日暮而止是夜蜀刺客詐為亡奴降彭遂刺殺彭初
岑彭至其地改曰平無若言巴蜀已平無復賊也

磬堰在縣西南二十五里擁江水為大堰開六水門用
灌郡下公孫述僭號犍為不屬述攻之功曹朱遵拒戰
于六水門是也

丹稜縣

上東北至州七十三里

本南齊之齊樂郡也周明帝置樂齊縣武帝改為洪雅
縣隋開皇十二年因縣南有洪雅鎮就立洪雅縣仍改

今理為丹稜縣屬眉州皇朝因之

三青山在縣東北四十五里

思蒙水在縣西北二十五里

洪雅故城在縣東百五十步

洪雅縣

上東北至州一百二十里

本齊樂郡之南境也自晉迄宋夷獠有其地周武帝攘卻夷獠立洪雅鎮隋開皇十三年改洪雅為丹稜縣更于此置洪雅縣兼帶洪雅鎮屬眉州縣西有洪雅川以

名縣

可暮山在縣西北三十九里山多材木公私資之

青衣水一名平羌水經縣南一里

青神縣

中北至州六十里

本漢南廣縣地也李雄之後夷獠內侵西魏恭帝遙于此置青衣縣屬眉州之青城郡隋開皇三年罷郡徙縣居郡理屬眉州皇朝因之

青神祠即青衣神在今嘉州界

汶江經縣東三里

青神縣城在縣南二十三里

松州

交川邊下都督府

開元戶七百二十鄉六案是州與翼維悉靜諸州僅載開元戶鄉不及元和蓋因已沒吐蕃

禹貢梁州之域古西羌地也羌人本出自三苗蓋姜姓之別也其國近南嶽及舜流四凶徙之三危濱于賜支至于河首縣地千里賜支者禹貢所謂析支者也夏桀之亂犬夷入居岐邠之間成湯伐而攘之及武王伐商

羌髡會于牧野周衰西戎來寇殺幽王于驪山及秦穆
公得戎人由余遂霸西戎開地千里其後子孫分別各
自為種所居無常依逐水草以戰死為吉利病終為不
祥婦人孕身六月而產子不避風雪性剛猛得西方金
行之氣始皇時務力併六國兵不西行故羌種得以繁
息漢武帝北逐匈奴西逐諸羌乃渡河湟築令居塞始
置護羌校尉列河西四郡隔絕羌胡後漢至于魏晉或
降或叛至後魏鄧至王象舒理者並白水羌也常為羌

豪因地名自漢為鄧至王其後子孫彭舒者遣使內附
拜龍驤將軍益州刺史甘松縣開國子假以渠帥之名
後魏末平鄧至蕃始統有其地後周保定五年于此置
龍涸郡天和元年改置扶州領龍涸郡隋開皇三年廢
龍涸郡置嘉誠鎮與扶州同理焉大業三年改扶州為
同昌郡領嘉誠縣隋末陷于寇賊武德元年隴蜀平定
改置松州貞觀三年置都督府後但為州

州境

東西二百一十四里
南北一百七十七里

八到

東北至上都一千九百里
東北至東都二千七百六十里

東至茂州三百里

東北至扶州三百里

南至翼州一百八十里

西南至當州三百里

貢賦

開元貢

狐尾

當歸

犀

牛酥

管縣二

嘉誠 交川

本周舊縣也武帝天和元年置屬龍涇郡隋開皇三年
罷郡屬扶州武德元年改屬松州

雪山在縣東八十里春夏常有積雪故名

甘松嶺在縣西南十五里

寧遠鎮在縣北一百里

大定戍在縣北四十里

交川縣

下北至州三十四里

本周舊縣天和中置屬龍涸郡隋開皇三年罷郡屬扶
州武德改屬松州

洛稽山在縣西北七十五里

江源鎮在縣西北三十里

茂州 通化邊下都督府

開元戶二千五百四十 鄉一十三
元和戶六百九十

案鄉數傳寫缺

禹貢梁州之域本冉駝國漢武帝破南越冉駝等皆震
恐請臣置吏元鼎元年以冉駝為汶山郡今州即漢屬
郡汶江縣也周保定四年立汶州隋開皇五年改為會
州大業三年罷會州為汶山郡武德三年改置南會州
總管府貞觀八年改為茂州以茂滋山為名

州境

東西四百七十八里
南北三百六十里

八到

東北至上都二千一百四十里
東北至東都三千里

東至絳州取松嶺關路三百七十里

南至彭州三百七十里

西至維州二百二十里

北至翼州一百二十里

貢賦

開元貢麝香升麻
賦布麻

元和貢生馬牙硝

管縣四

汶山 汶川 通化 石泉

石城山在縣東南一里

石密水經縣南一里

翼州

臨翼下

開元戶一千七百一十四 鄉七

禹貢梁州之域本秦漢徼外羌也武帝元鼎中開為縣
今州即漢蜀郡蠡陵縣之地也梁太清中武陵王蕭紀
于蠡陵舊縣置鐵州尋廢周武帝天和元年討蠡陵羌
又于七頃山下置翼州以翼計水為名隋大業三年省

州改置和山鎮以翼水等三縣屬會州武德元年重置翼州其地西枕大江南面臨溪

州境

東西三百三十里
南北一百七十里

八到

東北至上都二千四百二十里
東北至東都三千二百七十里

南至茂州一百二十里
西至悉州二百二十里

西北至當州二百七十里
北至松州一百八十里

貢賦

開元貢
麝香
布
麻

管縣三

衛山 翼水 峨和

衛山縣

中下郭下

本漢蠡陵縣地周武帝于此置翼水縣以翼計水為名屬翼計都隋開皇三年罷郡以縣屬翼州皇朝因之天寶元年改為衛山縣

七頃山一名落目山此路山巖峻阻平地惟有七頃因呼為七頃山

龍涸故城俗名防渾城在縣北十一里城之北境舊是

吐谷渾所居故曰防渾城

石臼戍在縣北六十里

笮橋在縣北三十七里以竹蔑為索架北江水

翼水縣

中下北至州六十里

本漢蠶陵縣地周于此置龍水縣屬清江郡隋開皇三年改為清江縣三年罷郡以縣屬翼州十八年又改清江為翼水縣皇朝因之

石鏡山在縣東南九里山側有石圓徑二尺明徹如鏡

因名

大江水經縣西二百步翼水出縣南下

峨和縣

中下南北至州六十里

本漢蠶陵縣地天寶十一年分置峨和縣以縣有峨和山也縣在石臼戍北大江之西也

維州

維川邊下

開元戶七百六十五

案鄉數傳寫缺

本徼外羌冉駹之別種也初蜀將姜維馬忠北討北汶

山叛羌此其地也今居姜維城即維所築自晉以後羌
夷或降或叛隋開皇四年討叛羌以其地置薛城戍屬
會州復又沒賊武德四年白狗羌首領內附于姜維城

置維州以統之其城甚險固乾元元年沒西戎

案舊唐書代宗

紀新唐書地理志並云松州維州廣德元年沒吐蕃舊唐書云上元元年後吐蕃贊普攻維州不下乃以婦人嫁維州門者二十年中生二子及蕃兵攻城二子內應城遂陷吐蕃得之號無憂城李肇國史補云吐蕃自貞元末失維州選婦人為維州守卒之妻及元和中婦人已育數子蕃寇大至發火應之維州復陷合各書所載維州沒吐蕃年代互異當是貞元時復之元和中再沒此云乾元元年沒西戎蓋僅據其始而言

州境

東西三百二十五里
南北二百五十三里

八到

東北至上都二千八百三十里
東北至東都三千五百六十里

東至真州一百里

東至茂州二百二十里

東北至恭州三百五十里

東至常州二百六十里

西至悉州一百五十里

貢賦

開元貢

麝香

犛牛尾

管縣三

薛城

定廉

鹽溪

薛城縣

下

本隋薛城戍武德四年改為縣與州同置

姜維山在縣西一里

定廉縣

下

本隋開皇四年置定廉戍于此屬會州武德四年改為縣與州同置因定廉水為名

鹽溪縣

下

貞觀三年置有鹽溪村因為名

案唐書地理志貞觀二年置薛城又析置鹽溪

縣永徽元年
省入定廉

定廉山在縣東十里

當州

江源下
案戶鄉數傳寫缺

本漢蠡陵縣地貞觀二十一年割松州通軌縣置當州

仍以羌首領為刺史

州境

東西一百六十八里
南北一百三十五里

八到

東北至上都二千一百一十里
東北至東都二千九百七十里

東至翼州二百七十里
東南至悉州三十里

東北至松州三百里

西南至靜州六十里

北至維州二百六十里

貢賦

開元貢

麝香

大黃

當歸

犛牛尾

羚羊角

管縣四

通軌 利和 谷和 平康

通軌縣

下郭下

貞觀三年置屬松州二十一年于縣置當州

利和縣

下西南至州三十里

周天和元年于此置廣平縣尋廢顯慶二年于廣平故

城置利和縣

谷和縣

下東南至州六十里

文明元年開生羌置

平康縣

下西南至州六十里

顯慶中因古平康城置在平康水西隸翼州尋廢垂拱

元年置以屬當州

案唐書地理志平康本隸當州天寶元年改隸松州通典及舊唐書並以

平康屬松州

與是志異

悉州

歸誠邊下

開元戶八百五十五

案鄉數傳寫缺

顯慶元年分當州置在悉唐川因以為名其首領任刺

史

州境

東西一百六十里
南北八十里

八到

東北至上都二千三百里
東北至東都三千二百一十里

東至翼州二百二十里

東至維州二百五十里

東南至成都府六百五十里

西北至靜州六十里

貢賦

開元貢

麝香

犛牛酥并尾

當歸

羌活

管縣三

識曰 左封 歸誠

識曰縣

下郭下

顯慶元年與州同置地名識曰因之為名

肅蕃山在州北八十里肅蕃鎮在山下

左封縣

下東南至州二十里

周天和元年于此置廣平縣隋開皇十八年改為左封

天寶中又置縣置守捉

歸誠縣

中下西北至州八里

本生羌垂拱二年從化三年置縣以處之

靜州

靜川邊下

開元戶六百七十二

鄉二

本漢蠡陵縣地天授元年于此置靜州其城據山甚險

固

州境

東西三百二十里
南北二百三十里

八到

東北至上都三千三十里
東北至永都三千一百五十里

東南至悉州八十里

東北至當州六十里

南至赤和縣三十五里

西北至柘州三十里

北至茹州六十里

貢賦

開元貢

麝香

犛牛酥

管縣三

悉唐 靜居 清道

悉唐縣

中下西至州二十四里

靜居縣

中下

清道縣

下

右並顯慶元年與悉州同置天授元年割屬靜州

柘州

蓬山邊下
案戶鄉數傳寫缺

儀鳳元年置以山多柘木因以為名其城四面險阻易

于固守有安戎江蓬婆水在州南三十里

州境

案州境里
數傳寫缺

八到

東北至上都二千一百七十里
東北至東都二千三十里

東南至靜州三十里

南至維州三百里

西至恭州一百里

貢賦

開元貢

麝香

當歸

羌活

管縣二

柘縣 喬珠

柘縣

中下郭下

前上元二年置

大雪山一名蓬婆山在縣西北一百里

柏嶺在縣北八十里嶺北三十里至白崖驛與吐蕃接

界

喬珠縣

中下東至州五十里

與州同年置

恭州

恭化下
案戶鄉數傳寫缺

開元二十一年析靜州部落于柘州西置

州境

案州境里
數傳寫缺

八到

東北至上都三千三十里
東北至東都三千一百五十里

東至柘州一百里

東南至茂州三百五十里

西南至維州三百五十里

管縣三

和集 博恭 烈山

和集縣 中下郭下

舊名廣平縣屬靜州開元二十七年于縣置恭州天寶

元年改名和集

博恭縣 中下西至州二十五里

烈山縣

中下西至州五十里

真州

昭德下

案戶鄉數傳寫缺

在合江鎮西一百四十二里其地本名真符天寶三年
節度使章仇兼瓊以其地險阻又當西山要路奏置真
符營控押一州仍置兵于其處五年節度郭虛已緣美
項搖動仍奏置昭德郡乾元元年改為真州

州境

案州境里
數傳寫缺

八到

東北至上都二千一百八十里
東北至東都三千四十五里

東至冀州四十里
西至維州一百里

西北至茂州通化縣一百里
北至悉州界四十里

貢賦

元和貢當歸三斤半麝香
案是州置自天寶故不載開元貢

管縣四

真符 昭德 昭遠 雞川

真符縣

中下郭下

昭德縣

中下

昭遠縣

中下

欽定四庫全書

雞川縣

中下

右昭德等三縣並在州側近以熟羌首領為其令長居

無常所

案舊唐書地理志昭德本識曰縣屬悉州天寶初改屬翼州改縣名昭德五年改屬真州是志

于悉州之識曰不言其後改名此真州之昭德不言以何縣析置殆因僞徙無常姑弗深攷而兩存之

黎州

洪源中

元和戶三百三十八 鄉五

案開元戶鄉數傳寫缺

禹貢梁州之域漢武帝破夷于邛置沈黎郡周天和三
年開越雋于此置黎州隋廢州置沈黎鎮武德元年罷

鎮為南登州大足元年巡察使殷祚奏割雅州漢源飛越通望三縣置黎州龍興三年雋州都督元膺奏廢開元三年本道使陸象先重奏置天寶初廢飛越縣止領縣二其州城東西南三面並臨絕澗惟北面稍平貞元元年節度使韋臯鑿北面隍塹深闊又于州北故武侯城迤邐置堡三所為州城之援管羈縻州五十七並蠻夷部落大首領主之

州境

案州境里數傳寫缺

八到

東北至上都二千五百八十里
東北至東都二千四百三十里

東至戎城無路約七百里
東北至雅州二百四十里

西南至鴛川六百五十里
西至廓清城一百八十里其城西臨大渡河河西
羌蠻界

貢賦

開元貢 椒一石

管縣二

漢源 通望

漢源縣

中郭下

本漢旄牛縣地隋仁壽二年平夷獠于此置漢源縣因漢川水為名四年罷鎮立縣屬雅州貞觀三年割屬雋州開元二年分屬黎州

飛越山在縣西北一百里山西北兩面並接羌戎界儀鳳二年置飛越縣天寶初廢

沈黎鎮在縣東北六十一里

廓清城在州西一百八十里

銅山城西北五十里

定蕃城在通望軍東一百八十里

衝要城在通望縣東十三里

大定城在州南二百三十里乾元二年改和集鎮置

以上五城並貞觀元年韋臯置

通望縣

中北至州九十里

本漢旄牛縣地隋開皇二十年于此置大渡鎮大業二年改為陽山鎮武德元年改為陽山縣屬舊州天寶元年改名通望縣割屬黎州

大渡水經縣北二百步

沈黎鎮在縣東北六十一里

通望戍在縣西南十二里

舊州 越騫下府

開元戶三萬八千三十五
元和戶一萬六千五百八十
鄉二十六
鄉三十

本漢南外夷獠秦漢為邛都國秦嘗攻之通五尺道政
置吏焉至漢武帝始誅且蘭邛君并殺笮侯而冉駹等
皆震恐乃以邛都之地為越騫郡屬益州按郡有越水

雋水出生羌界言越雋者以彰威德遠也領縣十五魏
晉以還蠻獠恃險抄竊乍服乍叛周武帝天和三年開
越雋地于雋城置嚴州隋開皇六年改為西寧州十八
年改為雋州皇朝因之至德二年沒蕃貞元十三年節
度使韋臯收復

州境

東西九百八十里
南北一千二百里

八到

東北至上都三千二百三十里
東北至東都四千九十里

東至蠻界約二百里

東南至姚州三百五十里

東北至雅州六百五十里
南至瀘渡四百五十里

西至東瀘水二百里
北至成都府一千二百九十里

貢賦

開元貢 絲布

管縣七

越嶲 西瀘 蘇祁 臺登 邛部 昆明

會川

越嶲縣

上郭下

本漢邛都縣地隋開皇六年分邛都置越嶲縣皇朝因

之

陷河在縣東南十里初成帝置邛都縣無幾陷為汙澤
因名陷河

西瀘縣

下東北至州二百七里

本漢邛都縣地周武帝天和三年于此置本可縣天寶
元年改名西瀘縣

溫湯水出縣西山下十二里

瀘水在縣西一百十二里諸葛亮征越雋上疏曰五月

渡瀘深入不毛謂此水也水峻急而多石土人以牛皮作船而渡勝七八人

姜磨戍在縣西南三里

蘇祁縣

上東南至州二十五里

本漢舊縣屬越巂郡後陷夷獠周武帝重開越巂復立蘇祁縣屬嚴州隋開皇改屬巂州皇朝因之

溫水出縣東平地二十一里

臺登縣

下正南微北至州一百七十里

本漢舊縣屬越舊郡周武帝重開越舊于舊理立臺登縣後遂因之

鐵石山在縣東三十五里山有礪石火燒成鐵極剛利念諾水本名繩水流入瀘水在縣西北七百里自羌戎界流入

長江水本名孫水出縣西北

胡浪山下有司馬相如定西南夷橋橋孫水以通邛笮即此水也

諸葛亮故城在縣東南三里亮南征至此所築也

邛部縣

下西南至州二百六十里

本漢蘭縣地屬越雋郡周武帝于此邛部城置縣仍以舊城為名屬邛部郡隋開皇三年改屬雋州皇朝因之雋山在縣西南九里雋水出于雋山下州郡得名因此水也

清寇鎮在縣西北一十八里

昆明縣

中東北至州三百里

本漢定笮縣也屬越嶲國去郡三百里出鹽鐵夷皆用之漢將張嶷殺其豪率遂獲鹽鐵之利後沒蠻夷周武帝立定笮鎮凡言笮者夷人于大江水上置簾橋謂之笮其定笮大笮皆是近水置笮橋處武德二年于鎮置昆明縣蓋南接昆明之地因以為名

鹽井在縣城中今按取鹽先積柴燒之以水灑土即成黑鹽

會川縣

中北至州三百七十里

本漢會無縣屬越巂郡蕭齊沒于蠻獠高宗上元二年
于其地置會川縣天寶初又于縣側立會同軍在今州
南三百七十里是也

姚州

雲南下
案戶鄉數傳寫缺

本漢雲南縣之地武德四年安撫大使李英以此中人
多姓姚故置姚州為瀘南之巨屏天寶十三年沒蕃貞
元初蠻帥異牟尋歸國冊拜謂之南詔九年南詔又以
其地內屬

州境

案州境里數傳寫缺

八到

東北至上都四千三百里
東北至東都四千八百九里

東南至安南二千里
南至戎州三百一十里

西至羊苴咩城三百里
西北至篤州三百五十里

北接髳州

貢賦

案前自成都府彭蜀漢邛簡各州及戎眉松維當
悉靜柘真黎篤等州之賦恭州與姚州之貢賦並

傳寫缺

管縣三

姚城 長明 長城

姚城縣

下西南至州十五里

長明縣

下西南至州十五里

長城縣

下南至州五里

右並與州同置龍朔中于州理置都督府尋廢入雋州
垂拱元年重置

協州

下

開元戶二百二十九

案鄉數傳寫缺

本夜郎國也漢武帝開夜郎置犍為郡今州即犍為郡
之南廣縣也其後蠻夷內侵郡因荒廢隋開皇四年隸
附于此置協州大業三年廢入犍為郡武德元年開南
中復協州

州境

梁州境里
數傳寫缺

八到

東北至上都三千一百里
東北至東都三千九百六十里

東北至戎州四百一十里
南接曲州

管縣三

東安 西安 胡津

東安縣

下郭下

西安縣

下東南至州二十七里

胡津縣

下南至州六十里

右三縣隋開皇三年並同州置本漢南廣縣之地大業二年廢武德元年南夷款附重置

曲州

朱提下
案戶鄉數傳寫缺

本漢夜郎國地武帝于此置朱提縣屬犍為郡後立為

郡在犍為郡南一千八百里後漢省郡諸葛亮南征復置朱提縣自梁陳以來不復賓服隋開皇四年開置南中立為恭州武德元年改為曲州朱提山名出善銀食貨志曰朱提銀重八兩名為一流因山名郡縣也

州境

案州境里數傳寫缺

八到

東北至上都三千三百里東北至東都四千三百三十里

南接郎州

北接協州

貢賦

案前協州與此曲州之開元元和貢賦並傳寫缺

管縣二

朱提 唐興

朱提縣

下郭下

唐興縣


下西至州五里

右二縣並武德元年與州同置朱提取漢舊名也

七曲水在州西北三十里

溺水在七曲水北百三十里南北四百里東西七百里
窮年密霧未嘗覩日月輝光樹木皆衣毛深厚時時多

水濕晝夜沾灑上無飛鳥下絕走獸惟夏月頗有蝮蛇
土人呼為漏天也



元和郡縣志卷三十三